

Metak pogodio djevojku u glavu

30/08/2010 21:10 by Administrator

Maloljetnu Banjoljanku M. K. (14) pogodio je u glavu zalutali metak ispaljen iz nepoznatog oružja na svadbi koja se u subotu oko 14 časova održavala u Subotičkoj ulici, u banjolučkom naselju Argovac, saznaje "Fokus". Ubrzo nakon ranjavanja, djevojka je prevezena u banjolučki Klinički centar, gdje joj je pružena medicinska pomoć i ona nije u životnoj opasnosti. Prema riječima načelnice Klinike za neurohirurgiju, dr Vesne Ivaničević, i glavnog dežurnog ljekara na Hirurgiji, dr Nebojše Trkulje, djevojka je primljena sa ustrelnom ranom u tjemenom dijelu glave, nanesenom vatrenim oružjem. Na sreću, metak se zaustavio ispred kosti lobanje, odstranjen je hirurškim zahvatom, a pacijentkinja je trenutno stabilna i pri punoj svijesti - navela je Ivaničevićeva.

Iz izvora bliskih policiji saznaje se da je djevojku ranio zalutali svadbeni metak koji je bio u silaznoj putanji. Metak je ispaljen iz nepoznatog vatrenog oružja. - Djevojka je imala veliku sreću. Metak je išao direktno u glavu i zahvaljujući činili koju je imala u kosi metak je skrenuo pod kožu i nije probio lobanju - kazao je naš sagovornik. Iz policije su naveli da je na mjesto događaja, odmah po prijavi, upućena ekipa za uviđaj, ali da policija po dolasku na slavlje nije pronašla nikakve tragove koji bi ovaj slučaj doveli u vezu sa počinocem, odnosno neopreznim vaskom vatrenog oružja koji je nepromišljeno pucao u prisustvu velikog broja građana.

Izvor vijesti: Fokus